



KEMENTERIAN PELANCONGAN DAN KEBUDAYAAN



PERPUSTAKAAN
NEGARA MALAYSIA

Pustaka

BULETIN PNM

BIL. 2/2017
MEI - OGOS 2017
ISSN: 0128-8679



IFLA WLIC2018 KUALA LUMPUR

Transform Libraries, Transform Societies

World Library and Information Congress
84th IFLA General Conference and Assembly
24–30 August 2018, Kuala Lumpur, Malaysia

Kandungan



© Perpustakaan Negara Malaysia, 2017

Hak Cipta Terpelihara. Tidak dibenarkan mengeluar ulang mana-mana bahagian, artikel, ilustrasi dan isi kandungan buku ini dalam apa juga bentuk dan dengan cara apa juga sama ada secara elektronik, fotokopi, mekanik, rakaman atau cara lain sebelum mendapat izin bertulis daripada Ketua Pengarah Perpustakaan Negara Malaysia, 232 Jalan Tun Razak, 50572 Kuala Lumpur, Malaysia.

Perpustakaan Negara Malaysia Data-Pengkatalogan-dalam-Penerbitan
Perpustakaan Negara Malaysia

Buletin Pustaka / Perpustakaan Negara Malaysia, - 1985 - .

- Kuala Lumpur : Perpustakaan Negara Malaysia, 1985 - .

Tahunan

ISSN 0128-8679

1. Libraries, National – Malaysia. 2. Corporation reports.

Sidang Redaksi Pustaka PNM 2017

2

Kalam Ketua Editor

3

IFLA WLIC 2017 : Wroclaw, Poland

4

#MalaysiaNgaji

6

Meriahnya Raya@PNM 2017

8

Wacana Pemikir "Puasa ke Arah Transformasi Diri"

10

Wacana Manuskrip Melayu Hang Tuah: Patriotisme Wira Melayu

12

Kalam Karyawan bersama Sasterawan Negara Dato' Dr. Mohd Anwar Ridhwan

13

Kem Tulisan Jawi Peringkat Negeri Perak 2017 mendapat sambutan menggalakkan

14

Bengkel Literasi Media dan Maklumat, Training Of Trainers (TOT) kepada Guru Perpustakaan dan Media Sekolah Kementerian Pendidikan Malaysia

16

Literasi Maklumat dan Media@PNM Perdana 2017

17

Promosi IFLA WLIC 2018 Kuala Lumpur

19

Singgah Santai@PNM #Merdeka@PNM

24

Pameran 100 Wishes from Finland

26

Pameran Kemerdekaan "Negaraku Sehati Sejiwa"

Pameran Sukan SEA

27

PENAUNG

Dato' Hajah Nafisah binti Ahmad

KETUA EDITOR

Siti Aishah binti Sheikh Kadir
sitiashah@pnm.gov.my

EDITOR

Hashimah binti Mohd Yusof
hashimah@pnm.gov.my

Azfaradilla binti Zainal Abidin
azfaradilla@pnm.gov.my

KOORDINATOR PENERBITAN

Rosimah binti Soad
rosimah@pnm.gov.my

EDITOR DALAM TALIAN

Kalaiselvi a/p Chirupalan
kalaiselvi@pnm.gov.my

PENYUMBANG ARTIKEL

Ali bin Rashid
Mastura binti Hussin

Sidang Redaksi Pustaka PNM 2017



**28**

Mesyuarat Pengurusan Perpustakaan Khusus Gunasama Kumpulan Pengurusan dan Professional 2017

29

Hari Bertemu Pelanggan PNM@MINI-UTC Keramat Mall

30

Lawatan Penandaranan Bank Negara Malaysia

Les' Copague Animation Academy (LCAA) minat tubuh perpustakaan akademik

31

Persian Literature Day

32

Perkhidmatan Perpustakaan Digital

34

Majlis Penyerahan Surat Penyiaran Pemangkuan dan Pertukaran Pegawai Perkhidmatan Perpustakaan 2017

38

Sistem Depositori Kebangsaan, Platform Digital Sehenti

39

Score A Programme

Kalam Ketua Editor

Assalamualaikum dan Salam Negaraku Malaysia,

Syukur ke hadrat Allah S.W.T. kerana dengan izinNya dapat kita bersua kembali dalam Pustaka: Buletin Bil. 2/2017. Terlebih dahulu, syabas dan tahniah diucapkan kepada kumpulan Sidang Redaksi dan semua yang telah terlibat dalam menyumbangkan idea dalam penulisan keluaran kali ini.

Perpustakaan Negara Malaysia kembali rancak mengatur dan merealisasikan program-program yang telah dirancang sepanjang bulan Mei hingga Ogos 2017 dengan cemerlang.

Keluaran kali ini memuatkan berita dan laporan program-program berimpak besar PNM iaitu di IFLA WLIC 2017 di Wroclaw, Poland, #MalaysiaNgaji, Literasi Media dan Maklumat Perdana, lawatan dalam dan luar Negara, Program Singgah Santai @Merdeka, Pameran Sukan SEA, Kem Tulisan Jawi, Hari Bertemu Pelanggan di UTC Keramat dan program-program keintelektualan dan siri wacana.

Oleh yang demikian, marilah kita bersama-sama menggembungkan usaha agar matlamat PNM dapat direalisasikan dengan jayanya. Semoga PNM terus cemerlang.

Wassalam.

QUOTES FOR THE DAY

Coffee never knew it will taste nice and sweet, before it met sugar and milk. We are good as individuals but become better when we blend with the right people. The world is full of nice people, if you can't find one, be one.

Mohd Rizal bin Abdullah
Muhammad Azizi bin Muhamad Rani
Muhammad Redzuan bin Ramli
Nor Azila binti Mohd Nor
Norhamiza binti Mohamad Hanopiah
Nur Syazleen binti Ashah
Siti Manoriah binti Salleh
Siti Suzani binti Mohamed Taib
Sofia binti Osman
Wan Nur Azma binti Wan Asik
Yazid bin Ibrahim
Zuliana bt Ab Rashid

FOTOGRAFI

Nor'Aini binti Mohamed Noor
Muhamad Khairi bin Jaafar
Nor Hidayah binti Abd Halim

PENGEDARAN

Bahagian Komunikasi Korporat

SUSUN ATUR/KONSEP

Mohd Firdaus bin Ngah Sa'aya

KETUA PENGARAH

Dato' Hajah Nafisah binti Ahmad
nafisah@pnm.gov.my

TIMBALAN KETUA PENGARAH

Maizan binti Ismail
maizan@pnm.gov.my

PENGARAH PERKHIDMATAN KORPORAT

Siti Aishah binti Sheikh Kadir
sitiashah@pnm.gov.my

CETAKAN/REKABENTUK

Legasi Press Sdn. Bhd

SEBARANG SUMBANGAN ARTIKEL BOLEH DIKEMUKAKAN KEPADA

Bahagian Komunikasi Korporat
Perpustakaan Negara Malaysia
232, Jalan Tun Razak,
50572 Kuala Lumpur
Tel : 03-26871700 samb 1826/1945
Emel : bkk@pnm.gov.my



IFLA WLIC 2017

Wroclaw, Poland 19-25 Ogos 2017

International Federation of Library Associations and Institutions (IFLA) adalah sebuah organisasi antarabangsa yang memimpin dalam pembangunan perkhidmatan perpustakaan dan kepustakawan di seluruh dunia. IFLA merupakan wadah bagi menyuarakan idea dan pandangan ahli dalam bidang kepustakawan dan perpustakaan di peringkat antarabangsa.

World Library and Information Congress (Persidangan IFLA WLIC) merupakan persidangan antarabangsa tahunan terbesar dan paling berprestij bagi profesional dalam sektor perpustakaan dan perkhidmatan maklumat. Kongres ini membawa lebih daripada 3,500 peserta dari lebih 120 buah negara. Kongres ini juga menetapkan agenda antarabangsa untuk profesion perpustakaan dan menawarkan peluang untuk rangkaian dan pembangunan profesional kepada semua perwakilan. Ini juga peluang bagi negara tuan rumah untuk mempromosi perpustakaan dan sains maklumat di negara dan rantau tersebut serta menonjolkan profesion mereka melalui pengalaman sebagai pustakawan dengan perwakilan antarabangsa dan ia juga mewujudkan hubungan antarabangsa dengan cara yang unik.

Perpustakaan Negara Malaysia yang diterajui oleh YBhg. Dato' Hajah Nafisah Ahmad, Ketua Pengarah dan dua pegawai iaitu Encik Yazid Ibrahim serta Puan Begum Shehnaz Ulfat Razali telah menyertai Persidangan IFLA ke-83. Penyertaan kali ini yang

telah dihadiri pada 19-25 Ogos 2017 di Wroclaw, Poland. PNM telah menjemput semua Perbadanan Perpustakaan Awam Negeri menyertai pameran IFLA ini. Pameran PNM telah mendapat sambutan yang hangat serta menggalakkan dengan seramai 500 pengunjung yang terdiri daripada peserta persidangan IFLA serta penyelidik. Seramai 32 orang pustakawan (tidak termasuk sukarelawan) dari pelbagai perpustakaan dan institusi di Malaysia juga turut hadir menyertai persidangan ini. Seramai 68 pempamer dari seluruh dunia telah turut serta dalam pameran ini.

Kehadiran delegasi dari Malaysia pada kali ini memberi kenangan yang paling manis buat semua delegasi kerana PNM turut membawa Timbalan Ketua Setiausaha KPK ketika itu, Datuk Rashidi Hasbullah dan Pengerusi Ahli Lembaga Perpustakaan Kuala Lumpur, Tan Sri Mat Shah Safuan mempromosikan Kuala Lumpur sebagai destinasi IFLA WLIC 2018. Turut menjadi kebanggaan PNM juga, adalah penyertaan pustakawan kita, Encik Yazid Ibrahim sebagai salah seorang pembentang pada persidangan kali ini dengan pembentangan bertajuk "Old but gold: your valuable sources from the past".

Sesungguhnya, persidangan ini menjadi satu titik tolak kearah penganjuran IFLA WLIC 2018 Kuala Lumpur nanti. Adalah menjadi harapan agar IFLA WLIC Kuala Lumpur 2018 akan berjaya dan menjadi yang terbaik penganjurannya nanti.





#MalaysiaNgaji

Program #MalaysiaNgaji merupakan program panjuran bersama Perpustakaan Negara Malaysia (PNM) dengan kerjasama Majlis Pengarah-pengarah Perpustakaan Se-Malaysia (MPAM). Objektif program ini adalah untuk menjadikan pembacaan al-Quran sebagai budaya kepada rakyat Malaysia yang beragama Islam di seluruh Negara, membentuk ikatan hati untuk memartabatkan al-Quran supaya rakyat Malaysia dapat mengaji al-Quran walau di mana sahaja dengan penuh penghayatan dan melihat al-Quran sebagai panduan paling lengkap untuk kehidupan seharian.

Program #MalaysiaNgaji 2017 telah dijalankan secara serentak di seluruh negara pada 19 Jun 2017 bersamaan 24 Ramadan 1438H dan kemuncak acara ialah aktiviti 'Satu Jam Bersama al-Quran' iaitu bertadarus dan bertaddabur al-Quran. Program tahun ketiga ini telah berjaya mengumpul penyertaan seramai 812,666 orang yang hadir di perpustakaan di seluruh negara. Majlis Perasmian Program #MalaysiaNgaji 2017 peringkat PNM telah diadakan di Ruang Santai, Aras 1, Bangunan Anjung Bestari dan disempurnakan oleh YBhg. Dato' Nafisah Ahmad, Ketua Pengarah, Perpustakaan Negara Malaysia. YBhg. Datin Rodziah Akasah, Pengerusi PUSPANITA Kementerian Pelancongan dan

Kebudayaan Malaysia turut hadir ke Majlis Perasmian Program #MalaysiaNgaji ini.

Pelbagai aktiviti telah diadakan seperti Satu Jam Bersama al-Quran, Forum Ilmu, Sesi Tadabur dan Tadarus al-Quran, Khatam al-Quran, Kuliah Ihya Ramadan, Persembahan Nasyid, Majlis Berbuka Puasa, Solat Terawih dan Bengkel Literasi Media dan Maklumat.

Menarik dalam Forum Ilmu: Budaya Ilmu Pemangkin Kecemerlangan Ummah yang mengupas kepentingan membaca dengan ilmu akan membawa kejayaan di samping peranan perpustakaan sebagai penggerak budaya membaca. Perkongsian menarik dari seorang ibu oleh Puan Siti Nazrah Sheikh Omar yang melahirkan dan mendidik 5 orang anak lelaki yang berjaya secara profesional dan berjaya menghafal 30 juzuk al-Quran.

Penandaarasan dan keberkesanan penganjuran Program #MalaysiaNgaji telah berjaya menarik lebih banyak kesedaran dan menyakinkan masyarakat Malaysia bahawa al-Quran dapat membentuk akhlak mulia di dalam diri semua insan.



“ Satu jam, satu juta orang baca
al-Quran serentak. Membentuk gelombang;
nikmatnya Ngaji dan Tadabur al-Quran. ”





Meriahnya Raya @ PNM 2017

Program Meriahnya Raya@PNM 2017 ini merupakan program tahunan bertujuan merapatkan lagi hubungan silaturrahim di kalangan kakitangan PNM dengan pengguna di samping menyemarakkan lagi suasana sambutan Hari Raya di PNM. Majlis Meriahnya Raya@PNM yang bertemakan "Kepelbagaian dalam Kemeriahian" diterjemah melalui persembahan menu sajian daripada setiap bahagian/sub aktiviti PNM. Lebih 12 gerai raya telah menyajikan pelbagai menu pilihan untuk santapan pengunjung. Antaranya kuih tradisional dan moden Melayu, aneka kerepek, cendol, laksa termasuklah nasi goreng dabai dan mi kolok yang mewakili sajian dari Bumi Kenyalang. Majlis ini telah dihadiri oleh YBhg Dato' Yean Yoke Heng, Timbalan Ketua Setiausaha (P) Kementerian Pelancongan dan Kebudayaan, Ketua Pengarah PNM dan semua

barisan pengurusan termasuklah pustakawan daripada perpustakaan gunasama PNM. Seramai lebih 800 orang tetamu dari kalangan pengguna dan jiran agensi sekitar PNM turut hadir memeriahkan sambutan Meriahnya Raya@PNM kali ini.

Majlis turut diserikan dengan pertandingan karaoke raya, cabutan bertuah, busana raya paling anggun dan bergaya serta gerai tercantik. Pertandingan gerai tercantik diungguli oleh Bahagian Pinjaman, sementara bagi pertandingan karaoke raya, johan telah dimenangi oleh Encik Abd Hakim Abd Latif dari Bahagian Komunikasi Korporat. Program Meriahnya Raya@PNM ini mendapat sambutan dan meriah dengan kerjasama daripada semua pihak yang menjayakannya.





Wacana Pemikir “Puasa Ke

Wacana pemikir Puasa Ke Arah Transformasi Diri ini telah disampaikan oleh YBhg. Sahibus Samahah Datuk Dr. Zulkifli Mohamad Al-Bakri, Mufti Wilayah Persekutuan pada 6 Jun 2017 di PNM. Bicara ini telah berjaya menarik dan membuka ruang kepada pengunjung dan orang awam untuk terus menimba ilmu dan mendapat inspirasi daripada tokoh ilmuan yang tersohor ini. Beliau merupakan seorang yang mempunyai minat mendalam dalam penulisan buku dan telah membawa kepada penghasilan lebih 200 buah buku agama, jurnal, buku-buku terjemahan dan makalah dalam bidang akidah, fiqh, hadis dan tasawwuf. Antara penulisannya yang terkenal adalah Ahasin al-Kalim Syarah Hikam Ibn Athai'illah al-Sakandary. Selain daripada menjawat jawatan Mufti Wilayah Persekutuan, beliau kini turut terlibat dalam rancangan Cinta Ilmu segmen Medan Fatwa yang dikeluarkan oleh TV al-Hijrah.

Bersempena program wacana pemikir ini telah menyaksikan seramai 267 orang yang terdiri daripada pelbagai sektor kerajaan dan swasta serta orang perseorangan, pengunjung perpustakaan dan warga PNM telah hadir untuk menjayakan

program keilmuan ini. Pembicara SS Datuk Dr. Zulkifli Al-Bakri, Mufti Wilayah Persekutuan telah mengupas dengan padat dan beberapa intipati yang boleh dikongsi adalah:

- i. Puasa mengajar kita menghormati masa - Kualiti masa dan pengurusan masa yakni puasa mengajar kita menepati masa, tarikh permulaan bulan Ramadan dan kedatangan Syawal. Jelas sekali amalan berpuasa menyuruh kita menghormati ketepatan masa bersahur dan masa berbuka.
- ii. Ketika berbuka makan beramai-ramai - dapat menjaga ukhwah terutama bersama keluarga dengan mengikut tatacara ajaran Islam. Amalan berbuka puasa perlu dilihat sebagai satu medium yang sangat baik bagi merapatkan hubungan kekeluargaan. Gunakan 30 minit sebelum berbuka puasa untuk berkumpul dengan keluarga untuk membaca hadith, zikir dan berdoa bersama-sama. Inilah waktu yang boleh dimanfaatkan sebaik mungkin untuk berzikir dan berdoa sebagai media komunikasi antara hamba dengan
- iii.



Arah Transformasi Diri”

Tuhannya.

- iv. Bulan Ramadan bukan masa untuk bermalas-malasan-banyak catatan sejarah kejayaan Islam dalam bulan Ramadan. Di bulan Ramadan ini mengandungi rahsia kejayaan Rasulullah SAW dan sahabat-sahabatnya dan juga para mujahid Islam dalam usaha untuk mempertahankan Islam dan mengembalikan hak kedaulatan Islam. Antara peristiwa penting dalam sejarah Islam yang berlaku pada bulan Ramadan adalah Perang Badar al-Qubra, Perang Khandak, Pembukaan Kota Mekah, tentera Islam mendarat di Pantai Andalusia (Sepanyol), Salahuddin Al-Ayyubi mengalahkan tentera salib di Baitul Maqdis dan tentera Islam mengalahkan tentera Mongol.

Selain intipati puasa, SS Datuk Dr. Zulkifli Al-Bakri juga memberi tips bagaimana untuk menjadi orang yang berjaya dengan memberi contoh prinsip hidup Jet Ma (Tauke Ali Baba).

- i. ketika berumur 20 tahun : perlu menjadi Top 10;

- ii. ketika berusia 20-30 tahun : perlu mencari kerja di syarikat yang lemah untuk kembangkan kemahiran;
- iii. ketika berumur 30-40 tahun : adalah masa untuk membina kepakaran;
- iv. 40-50 tahun : memilih bidang kepakaran;
- v. 50-60 tahun : cari rakan kerja yang muda (anda sokong apa rakan anda buat) dan Manakala ketika berusia 60 tahun : adalah masa untuk keluarga.

Antara kupasan lain yang turut disentuh oleh beliau adalah:

- i. Orang hebat tiada had tempoh masa dlm membuat sasaran kejayaan.
- ii. Keperibadian individu bergantung kepada sisi baik atau gelap yang dilihat.
- iii. Jangan sekadar menjadi pelengkap sejarah, jadilah pemahat sejarah.
- iv. Orang hebat mengubah keadaan, bukan keadaan mengubahnya.
- v. Iqra' memerlukan sejumlah ilmu yakni baca mestilah dengan ilmu.





Wacana Manuskrip Melayu Hang Tuah: Patriotisme Wira Melayu

Wacana Manuskrip Melayu Hang Tuah: Patriotisme Wira Melayu telah disempurnakan dengan jayanya di Dewan Aminuddin Baki, Institut Perguruan Guru Kampus Bahasa Melayu (IPGKBM), Kuala Lumpur. Wacana ilmiah ini merupakan rentetan daripada siri-siri wacana tahunan yang dirancang oleh Pusat Kebangsaan Manuskrip Melayu (PKMM), PNM, tetapi dilaksanakan secara usahasama bagi meningkatkan penyertaan terutamanya melibatkan generasi muda. Objektif wacana ini adalah bagi tujuan pendedahan kepada masyarakat mengenai kepentingan ilmu yang terakam dalam manuskrip Melayu, menjadikan program ini sebagai pemangkin penjanaan ilmu secara berterusan dan seterusnya membongkar akal budi Melayu yang bernilai tinggi dalam pembinaan tamadun bangsa.

Topik yang dipilih untuk wacana kali ini adalah berkisar kepada Hang Tuah sebagai lambang manifestasi patriotisme dan jatidiri ikon negara sesuai dengan pelaksanaannya pada bulan kebangsaan negara. Sementara, Hikayat Hang Tuah sebuah Karya Agung Melayu yang tergolong dalam genre roman epik yang tinggi kedudukannya dan menjadi sumber pensejarahan negara yang setanding dengan Sulalat al-Salatin

dijadikan asas dan sumber rujukan bagi wacana ini selain catatan luar seperti dokumen Cina, Jepun, India dan Turki. Terdapat lebih kurang 20 versi Hikayat Hang Tuah yang telah dikenalpasti disimpan oleh pelbagai institusi diseluruh dunia. 4 (empat) daripadanya versi milik PNM dan salah satunya adalah MSS 1713 yang telah diiktiraf sebagai warisan dunia oleh UNESCO Memory of the World Programme pada tahun 2001. Karya Agung ini sentiasa mendapat tempat dihati para penyelidik dalam dan luar negara bukan sahaja kerana keunikian teks ini malahan memandu para penyelidik mempelbagaikan pendekatan kajian melalui pelbagai disiplin ilmu termasuklah arkeologi, sosiologi, antropologi dan geologi untuk mencari kebenaran kewujudan Hang Tuah.

Pembentangan wacana disampaikan oleh dua orang pakar kajian Hang Tuah iaitu Prof. Emeritus Dr. Hashim Musa dengan tajuk "Hang Tuah dalam Sejarah sebagai Wira Melayu Sejagat" dan Dr. Rohaidah Kamaruddin pula menyampaikan kertas kerja bertajuk "Hang Tuah: Satu Penemuan Merentas Sempadan". Sambutan yang diterima daripada masyarakat amat memberansangkan dengan kehadiran seramai 480 orang yang terdiri daripada pelajar dan kakitangan IPGKBM, agensi kerajaan, NGO dan lain-lain.



oleh:

Norhamiza binti Mohamad Hanopiah

Pustaka: Buletin PNM Bil.2/2017

13

KALAM KARYAWAN

bersama Sasterawan Negara Dato' Dr. Mohd Anwar Ridhwan


Program Kalam Karyawan merupakan program bicara ilmu yang memfokuskan mengenai keunikan dan keistimewaan hasil karya tokoh Sasterawan Negara Ke-10 iaitu YBhg. SN Dato' Dr. Mohd Anwar Ridhwan serta pengalaman beliau dalam dunia penulisan. Hasil-hasil karya tokoh sasterawan negara ini perlu dikaji dari pelbagai aspek sama ada dari teks, teknik penulisan, corak pemikiran, dan pelbagai lagi bagi memastikan khazanah ini kekal relevan sehingga berabad lamanya dan menyumbang kepada ketamadunan negara bangsa.

Hasil-hasil karya tokoh Sasterawan Negara ini perlu dikaji dari pelbagai aspek sama ada dari teks, teknik penulisan, corak pemikiran, dan pelbagai lagi bagi memastikan khazanah ini kekal relevan sehingga berabad lamanya dan menyumbang kepada ketamadunan negara bangsa. Penganjuran program seperti ini merupakan landasan terbaik untuk perkongsian pengalaman dan penghasilan kreatif Sasterawan Negara yang begitu aktif berkecimpung dalam bidang penulisan. Pameran sebanyak 30 judul buku-buku hasil penulisan

YBhg. SN Dato' Dr. Mohd Anwar Ridhwan yang terdapat dalam simpanan PNM sepanjang program berlangsung.

Seramai 203 orang merangkumi wakil IPT (PICOM, ASWARA, Kolej Komuniti), NGO (GAPENA, ITBM, PENA, MBM), Badan Berkanun (Dewan Bahasa dan Pustaka), Penjawat Awam (Jabatan Imegresan, Jabatan Penjara) dan Agenzia KPK.

Program Kalam Karyawan ini dapat meningkatkan rasa cinta kepada tokoh-tokoh kepengarangan dan karya-karya bercorak kreatif dan ilmiah yang memfokuskan mengenai semangat kenegaraan, kecintaan, kesatuan, solidariti dan perpaduan dalam kalangan rakyat malaysia. Pembicara mengingatkan kembali peserta mengenai penulis-penulis terkenal dan karya-karya bermutu yang seharusnya dikaji dari pelbagai aspek sama ada dari teks, teknik penulisan, corak pemikiran, dan pelbagai lagi bagi memastikan khazanah ilmu ini kekal relevan sehingga berabad lamanya





Perpustakaan Negara Malaysia (PNM) selaku Urus setia Program Pembudayaan Tulisan Jawi peringkat kebangsaan sentiasa komited ke arah menyemarakkan pembudayaan tulisan Jawi melalui pengajaran dan pembelajaran tulisan Jawi sama ada di peringkat jabatan atau negeri. Usaha berterusan PNM dengan kerjasama jabatan atau agensi secara Strategi Lautan Biru Kebangsaan (NBOS) bertujuan menyebarluas pembelajaran Jawi berkesan ke arah meningkatkan kadar celik Jawi dalam kalangan masyarakat Malaysia.

Kem Tulisan Jawi kali ini dianjurkan oleh PNM dengan kerjasama Jabatan Pendidikan Negeri Perak (JPNP) dan Perbadanan Perpustakaan Awam Negeri Perak (PPANP) pada 22 Julai 2017 bertempat di Sekolah Menengah Kebangsaan Doktor Burhanuddin,Taiping, Perak dengan menengahkan modul pembelajaran kaedah Tulisan Jawi yang disempurnakan oleh Dewan Bahasa dan Pustaka (DBP), kaedah Baca Dengan Nombor (BDN) oleh Ustaz Wan Mohd Azhar Wan Mahamod, kaedah Mananiyyah oleh Ustaz Abdul Manan Ali Al-Merbawi dan kaedah Dalil oleh Ustazah Dalilah Desa. Seramai 300 peserta terlibat terdiri dari 130 murid dari 32 buah sekolah rendah dalam Daerah Larut, Matang dan Selama termasuk guru pengiring serta kakitangan umum.

Penganjuran kem ini turut bertujuan melihat keberkesanannya modul berkenaan berdasarkan testimoni pembelajaran lepas teknik tersebut mampu membawa impak besar ke arah masyarakat celik jawi dalam tempoh masa singkat dan meningkatkan pedagogi guru semasa mengajar. Diharapkan kem ini dapat kembali menyemarakkan minat kepada tulisan Jawi yang semakin jarang digunakan di kalangan generasi muda ini. Turut menarik perhatian para pelajar adalah Pameran Manusrip Melayu yang mempamerkan al-Quran tulisan tangan dan batu bersurat.





KEM TULISAN JAWI

Peringkat Negeri Perak 2017 Mendapat Sambutan
Menggalakkan





Bengkel Literasi Media Dan Maklumat

Training Of Trainers (TOT) Kepada Guru Perpustakaan dan Media Sekolah Kementerian Pendidikan Malaysia

www.pnm.gov.my

Bengkel Literasi Media dan Maklumat Training Of Trainers (TOT) Kepada Guru Perpustakaan dan Media Sekolah, Kementerian Pendidikan Malaysia telah diadakan pada 23 Mei 2017 bertempat di Auditorium Bahagian Teknologi Pendidikan, Bukit Kiara, Kuala Lumpur. Bengkel ini diadakan dengan kerjasama Perpustakaan Negara Malaysiad dan Bahagian Teknologi Pendidikan bagi mempromosi produk dan perkhidmatan PNM kepada Guru Perpustakaan dan Media untuk disebar luas kepada golongan pelajar.


Melalui bengkel ini, kemahiran literasi peserta telah dapat dipertingkatkan melalui pengendalian bengkel secara Training Of Trainers (TOT) yang memberi fokus kepada golongan Guru Perpustakaan dan Media (GPM) sekolah di bawah Kementerian Pendidikan Malaysia. Ini adalah sebahagian dari usaha meningkatkan kesedaran, pengetahuan dan kemahiran literasi maklumat

GPM di peringkat sekolah khususnya dan dalam bidang pendidikan khasnya. Seramai 263 orang guru perpustakaan dan media telah menghadiri bengkel ini. Yang terdiri 145 orang dari Kuala Lumpur, 101 orang dari Selangor dan 17 orang dari Putrajaya. Bengkel ini telah dikendalikan oleh tenaga pengajar berpengalaman dari Perpustakaan Negara Malaysia.

Sempena bengkel ini juga, PNM turut mengadakan sesi latihan Perkhidmatan Sumber Elektronik PNM dan u-Pustaka, Pameran Produk PNM dan Kempen Keahlian PNM di Ruang Lobi Auditorium BTP.

Majlis Perasmian Penutup telah disempurnakan oleh YBhg. Dato' Nafisah Ahmad, Ketua Pengarah Perpustakaan Negara Malaysia dan turut dihadiri oleh Tuan Haji Zaidi bin Yazid, Pengarah Bahagian Teknologi Pendidikan.





Perpustakaan Negara Malaysia (PNM) telah menganjurkan Bengkel Literasi Media dan Maklumat (LMM) Perdana dengan kerjasama Majlis Belia Malaysia (MBM) dan Guru Muda 1Malaysia Kuala Lumpur (GM1MKL) ini diadakan pada 15 Ogos 2017 (Selasa), jam 8.30 pagi bertempat di Perpustakaan Negara Malaysia.


Bengkel LMM Perdana yang julung kali diadakan ini adalah sebagai platform bagi mencetuskan minda tentang kefahaman belia Malaysia terhadap kepentingan menguasai kemahiran literasi maklumat dalam era globalisasi ini. Maklumat yang tersedia di hujung jari memerlukan kebijaksaan berfikir para belia untuk menapis dan menilai maklumat yang benar-benar bernas.



Belia Malaysia (golongan berumur 15 – 40 tahun) merupakan sasaran utama bengkel ini kerana merupakan kelompok aktif sebagai netizen selain sebagai golongan pelajar dan pekerja yang terdedah kepada lambakan maklumat yang memerlukan kemahiran penyaringan maklumat. Antara objektif bengkel ini adalah untuk membina kesedaran kepentingan membaca dan memilih bahan bacaan yang berkualiti ke arah membina jati diri yang menjadikan mereka sebagai pemimpin belia yang berpengetahuan, berketrampilan

dan berwawasan tinggi. Pengisian bengkel sehari ini termasuklah ceramah, ujian kefahaman tahap literasi maklumat, kuiz, refleksi minda, aktiviti berkumpulan dan latihan secara hands-on pangkalan data dan enjin pencarian terpilih, promosi perkhidmatan digital dan u-Pustaka.

Dijangka seramai 800 orang peserta akan hadir mengikuti bengkel yang mendedahkan pembelajaran secara maya iaitu Modul LMM secara dalam talian. Modul LMM ini merangkumi panduan mengenal pasti keperluan maklumat, teknik pencarian maklumat berkesan, kriteria menilai maklumat, kaedah mengurus maklumat, etika penggunaan maklumat dan penyebaran maklumat secara sahih. Modul ini boleh diakses di www.elmm2017.com

Pembangunan Modul e-LMM ini merupakan kolaborasi bersama Universiti Teknologi Malaysia. Pra pelancaran Modul e-LMM akan diadakan bersempena Majlis Penutup Bengkel ini yang akan disempurnakan oleh YBhg Dato' Nafisah Ahmad, Ketua Pengarah, Perpustakaan Negara Malaysia. Majlis turut dihadiri oleh Tuan Haji Mua'amar Ghadafi Jamal bin Datuk Wira Jamaluddin, Presiden MBM.





Lawatan dari Universiti Jogjakarta, Indonesia

Lawatan kerja Institut Alam dan Tamadun Melayu (ATMA)



World Library and Information Congress
84th IFLA General Conference and Assembly
24–30 August 2018, Kuala Lumpur, Malaysia



YBhg. Datuk Rashidi Hasbullah, Timbalan Ketua Setiausaha (Kebudayaan), Kementerian Pelancongan dan Kebudayaan mengetuai delegasi Malaysia ke IFLA WLIC 2017 Wroclaw, Poland pada 19-25 Ogos 2017

IFLA WLIC 2018
KUALA LUMPUR

Join us at
IFLA WLIC 2018
in Kuala Lumpur, Malaysia!

SELAMAT DATANG KE

Kuala Lumpur

IFLA WLIC 2018
KUALA LUMPUR

Transform Libraries, Transform Societies


World Library and Information Congress
84th. IFLA General Conference and Assembly
24-30 August 2018, Kuala Lumpur, Malaysia



Reaching Out To The Hard To Reach...

TRANSFORM LIBRARIES

TRANSFORM SOCIETIES



IFLA WLIC 2018
KUALA LUMPUR



oleh:

Hashimah binti Mohd Yusoff

Kuala Lumpur, Malaysia telah dipilih sebagai tuan rumah bagi penganjuran IFLA World Library and Information Congress (WLIC) kali ke-84 yang akan dianjurkan pada tahun 2018 di KLCC. Pengumuman tersebut telah diumumkan di IFLA WLIC kali ke-82 di Ohio, Amerika Syarikat pada 16 Ogos 2015.

Perpustakaan Negara Malaysia akan melakar sejarah baharu dan bakal menempa kejayaan pada tahun 2018. Satu persidangan IFLA WLIC kali ke-84 yang merupakan acara terbesar di peringkat antarabangsa bagi sektor perpustakaan dan perkhidmatan maklumat akan dianjurkan secara bersama oleh Persatuan Pustakawan Malaysia.

Penganjuran persidangan ini akan menyaksikan himpunan lebih 4,000 pustakawan dari lebih 120 negara. Persidangan IFLA WLIC ini menggariskan agenda antarabangsa untuk kemajuan profesion kepustakawan serta menawarkan peluang untuk membina rangkaian dan pembangunan profesional di kalangan semua delegasi.

Penganjuran persidangan bertaraf dunia akan membuka peluang seluas-luasnya lebih-lebih lagi kepada semua para pustakawan dan perpustakaan di Malaysia untuk menimba ilmu dan merasai detik-detik kebanggaan IFLA WLIC di Malaysia.

Layari portal rasmi Persatuan Pustakawan Malaysia (PPM)
<https://ppm55.org/wlic2018kualalumpur/>

TARIKH - TARIKH PENTING

<p>Pengajian Persidangan</p> <p>1 Okttober 2017</p>	<p>Pendaftaran Dalam Talian Bermula 1 Januari 2018</p>	<p>Tarikh Akhir Bayaran Pendaftaran Bermula 15 Mei 2018</p>	<p>Tempahan Penginapan Bermula 1 Januari 2018</p>	<p>Tarikh Akhir Bayaran Pendaftaran Awal 24-30 Ogos 2018</p>
<p>IFLA WLIC 2018 Jawatankuasa Kebangsaan Librarians Association of Malaysia PO Box 12545 50782 Kuala Lumpur, Malaysia Maimunah Kadir Tel +60 12 3836044 Email: maimunahkadir@gmail.com</p> <p>Lokasi Kuala Lumpur Convention Centre Stall 17, Jalan Pinang Kuala Lumpur City Centre 50088 Kuala Lumpur Wilayah Persekutuan Kuala Lumpur, Malaysia www.klccconventioncentre.com</p> <p>Jenice Phung Tel: +60 3 2333 2603 Email: exhservices@klccconventioncentre.com</p>	<p>Tarikh Akhir Bayaran Pendaftaran Standard 22 Ogos 2018</p>	<p>Tarikh Akhir Bayaran Pendaftaran Awal 22 Ogos 2018</p>	<p>PENGLIBATAN PUSTAKAWAN DI IFLA WLIC 2018</p>	<p>PESERTA PERSIDANGAN</p> <ul style="list-style-type: none"> • Menghantar pustakawan sebagai peserta berbayar • Menyediakan peruntukan bagi membiayai penyertaan peserta (peruh/sebahagian) <p>PEMBENTANG KERTAS KERJA</p> <ul style="list-style-type: none"> • Menyedia dan menghantar abstrak kepada IFLA WLIC bermula November 2017 <p>SUKARELAWAN</p> <ul style="list-style-type: none"> • Menggalakkan Pustakawan menjadi Sukarelawan • Pengambilan secara atas talian bermula minggu ke-4 Oktober 2017 • Pemberian Cuti Tanpa Rekod
<p>Urus Setia Persidangan WLIC 2018 c/o K.I.T. Group GmbH – Association & Conference Management Kurfürstendamm 71 10709 Berlin, Germany Tel.: +49 30 24 60 3 329 Fax: +49 30 24 60 3 320 Email: wlic2018@kit-group.org</p> <p>Pendaftaran c/o K.I.T. Group GmbH Tel.: +49 30 24 60 3 380 Fax: +49 30 24 60 3 320 Email: wlic2018-registration@kit-group.org</p> <p>Penginapan c/o K.I.T. Group GmbH Tel.: +49 30 24 60 3 380 Fax: +49 30 24 60 3 200 Email: wlic2018-hotel@kit-group.org</p> <p>Pameran /Tajaan c/o K.I.T. Group GmbH Tel.: +49 30 24 60 3 242 Fax: +49 30 24 60 3 200 Email: wlic2018-sponsorship@kit-group.org</p>	<p>PAMERAN</p> <ul style="list-style-type: none"> • Reruai (booth) disediakan untuk disewa • Harga bagi penyewaan bergantung kepada saiz reruai <p>LIBRARY BOULEVARD</p> <ul style="list-style-type: none"> • Pameran produk dan inovasi • Menggunakan poster bersaiz 850mm x 2000mm • Dipamer bermula dari 26-30 Ogos 2018 <p>SESI POSTER</p> <ul style="list-style-type: none"> • Menyediakan poster berkaitan pembangunan/ perkhidmatan/ inovasi perpustakaan 	<p>Tarikh Akhir Bayaran Pendaftaran Awal 24-30 Ogos 2018</p>	<p>Tarikh Bersidang 24-30 Ogos 2018</p>	<p>Tarikh Akhir Bayaran Pendaftaran Awal 24-30 Ogos 2018</p>



Sesi Sumbang Saran semasa Kursus Pemantapan Perpustakaan Desa pada 15-18 Julai 2017 di Hotel City Villa Kuala Lumpur.



Tan Sri Dr. Ali Hamsa, Ketua Setiausaha Negara dan Datuk Rashidi Abdullah, TKSU (K) serta pegawai-pegawai KPK dan PNM sempena MRTM Aidilfitri di Kluang, Johor pada 15 Julai 2017.



Mesyuarat Tahunan Kelab PNM dan pelantikan AJK Eksekutif Kelab PNM sesi 2017/2019 pada 14 Ogos 2017.

Singgah Santai@PNM

#Merdeka@PNM

Program Singgah Santai@PNM #Merdeka@PNM telah diadakan pada hari Sabtu, 26 Ogos 2017 dengan membawa tema kemerdekaan bersesuaian dengan sambutan Bulan Kebangsaan ke-60 negara. Beberapa aktiviti telah disusun bagi memeriahkan lagi program Singgah Santai pada kali ini dengan menampilkan pengisian aktiviti persembahan deklamasi sajak kemerdekaan, persembahan 'ukulele' merdeka, pertandingan lagu kemerdekaan, sesi bercerita bersama Ummi Sham, pertandingan busana merdeka, bicara Aspirasi Negaraku serta promosi perkhidmatan PNM. Pameran daripada agensi luar serta aktiviti jualan buku dan makanan juga turut mewarnai program Singgah santai pada kali ini.

Pada sebelah pagi telah diadakan acara penanaman pokok oleh Timbalan Ketua Pengarah PNM sebagai simbolik program Singgah Santai. Sementara itu, turut diadakan juga slot Dendang Perwira yang menampilkan perkongsian pengalaman pejuang kemerdekaan Polis Diraja Malaysia (PDRM) dan Tentera Udara Diraja Malaysia (TUDM) yang mempertahankan kedaulatan Negara.

Aktiviti seumpama ini telah memberi impak yang positif di kalangan pengunjung yang hadir dan secara tidak langsung tema yang diketengahkan pada program kali ini dapat memberi satu suntikan jiwa merdeka di kalangan generasi muda khususnya dalam menerajui Negara pada masa akan datang.





Pameran 100 Wishes From Finland

oleh: Siti Suzani binti Mohamed Taib

Pameran 100 Wishes From Finland telah dirasmikan pada 15 Jun 2017 (Khamis) di Perpustakaan Negara Malaysia (PNM) dengan kerjasama kedutaan Finland. Pameran ini dibuka kepada orang ramai bermula 15 Jun 2017 sehingga 30 Jun 2017. Penglibatan PNM dalam pameran ini adalah sebagai rakan kerjasama yang menyediakan kemudahan ruang dan kelengkapan untuk menjayakan pameran ini sementara Kedutaan Finland pula akan memberi sumbangan buku kepada PNM untuk rujukan dan manfaat orang awam atau pengguna perpustakaan.

Majlis perasmian telah disempurnakan oleh H.E Petri Puhakka, Duta Besar Finland ke Malaysia. Antara tetamu yang hadir adalah wakil Kedutaan Finland, warga Finland di Malaysia, Pengurusan Tertinggi dan wakil agensi dari Kementerian Pelancongan dan Kebudayaan, wakil dari Perpustakaan Awam Negeri Selangor dan Negeri Sembilan, Perpustakaan Kuala Lumpur, Pustakawan Gunasama dan kakitangan PNM.

Pameran berjudul 100 Wishes From Finland merupakan pameran bergerak yang diadakan bersempena meraikan sambutan ulang tahun kemerdekaan negara Finland yang ke-100 tahun pada tahun 2017. Finland telah memilih ibu negara Kuala Lumpur, Conpenhagen, Brussel, Canberra dan London untuk diadakan pameran ini.

Objektif penganjuran pameran ini adalah :-

- Menjalankan kerjasama dalam bidang kebudayaan antara Malaysia dan Finland dalam penyebaran maklumat mengenai negara masing-masing.
- Meningkatkan kefahaman dalam kalangan masyarakat tentang sejarah kemerdekaan negara Finland yang lalu, kini dan masa akan datang.

Pameran ini memperkenalkan setem-setem lama dalam bentuk poster yang mempunyai pelbagai tema dari Finland berjumlah 11 keping panel berbingkai kayu.

Pameran Kemerdekaan “Negaraku Sehati Sejiwa”



oleh: Sofia binti Osman

Setiap tahun PNM menyambut sambutan Bulan Kemerdekaan dengan mengadakan pelbagai program dan aktiviti selaras dengan usaha memupuk semangat patriotisme dikalangan masyarakat khususnya pengguna PNM. Bersempena dengan sambutan kemerdekaan pada tahun ini, PNM menerusi Pusat rujukan Malaysiana & Luar Negara (PRMLN) dan Bahagian Komunikasi Korporat (BKK) telah mengadakan satu pameran mini “Negaraku Sehati Sejiwa” di Lobi PNM bermula 16 Ogos 2017 sehingga 16 September 2017.

Pameran ini diadakan bertujuan memperkenalkan koleksi PNM berkaitan kemerdekaan dan peristiwa penting Negara termasuk inisiatif terkini Kerajaan demi kesejahteraan Negara sejajar dengan usaha menyemarakkan semangat patriotisme di kalangan masyarakat khususnya pengguna PNM. Kuiz Kemerdekaan turut disediakan secara dalam talian dan bukan talian menerusi kerjasama bahagian Sumber elektronik bersempena dengan pameran ini bagi menguji tahap pengetahuan peserta berkaitan sejarah dan pembangunan negara.





oleh:

Azfaradilla binti Zainal Abidin

Pameran Sukan SEA

Satu pameran sukan SEA telah diadakan pada 14 Ogos – 30 September 2017 di ruang pameran, Anjung Bestari. Pameran diadakan sempena meraikan Malaysia sebagai tuan rumah Sukan SEA 2017 yang ke-29. Pameran telah dirasmikan oleh Timbalan Ketua Pengarah PNM, Puan Maizan Ismail sempena program Singgah Santai pada 26 Ogos 2017.

Pameran ini bertujuan menyebarluaskan maklumat penting Sukan SEA kepada masyarakat agar dapat sama-sama menjayakan Sukan SEA 2017. Di samping itu,

menerusi slogan Bangkit Bersama, pameran ini menaikkan semangat pengunjung perpustakaan untuk menyokong pasukan Malaysia yang beraksi dalam Sukan SEA pada tahun ini.

Antara pengisian pameran adalah sejarah sukan SEA, pencapaian Malaysia dalam Sukan SEA, rekod-rekod sukan SEA, pameran buku-buku berkaitan, kuiz, tayangan video dan sudut santai. Maskot rasmi Sukan Asia Tenggara 2001, Si Tumas turut dipamerkan kepada para pengunjung pameran.





Mesyuarat Pengurusan Perpustakaan

Khusus Gunasama Kumpulan Pengurusan dan Profesional 2017



Mesyuarat Pengurusan Perpustakaan Khusus Gunasama Kumpulan Pengurusan dan Profesional 2017 telah diadakan pada 26 Julai 2017, bertempat di Dewan Terrace, Aras 4, Hotel Putra Kuala Lumpur. Mesyuarat ini telah mengumpulkan seramai 104 orang pustakawan Perpustakaan Khusus Gunasama dan 10 orang Pustakawan PNM dan telah dipengerusikan oleh YBhg Dato' Nafisah binti Ahmad, Ketua Pengarah PNM serta turut disertai oleh barisan pengurusan kanan PNM. Mesyuarat ini adalah sebagai salah satu acara pertemuan

rasmi antara Ketua Pengarah PNM selaku Ketua Perkhidmatan dengan kakitangan kumpulan pengurusan dan profesional perkhidmatan gunasama perpustakaan yang bertugas di Perpustakaan Kementerian dan Jabatan Kerajaan di seluruh Malaysia. Selain itu, mesyuarat ini juga menjadi wadah penyampaian maklumat dan hala tuju kerajaan kepada pegawai Perkhidmatan Gunasama Perpustakaan di samping menjalin serta memperkuatkannya lagi hubungan dan kerjasama di antara PNM dengan Kumpulan Pengurusan dan Profesional Perpustakaan di seluruh Malaysia.



Gambar Sekitar Mesyuarat



Hari Bertemu Pelanggan PNM

@ MINI-UTC Keramat Mall

HBP merupakan satu program di antara Perpustakaan Negara Malaysia (PNM) dengan masyarakat setempat bagi mendapatkan maklum balas secara terus daripada pelanggan PNM mengenai perkhidmatan dan kemudahan yang disediakan. Disamping itu, ia merupakan salah satu cara bagi menarik minat masyarakat setempat untuk berkunjung ke perpustakaan. Ia juga bagi menarik orang ramai untuk menjadi ahli dan mempromosikan perkhidmatan sedia ada serta perkhidmatan

baru yang terdapat di PNM seterusnya segala perkhidmatan yang terdapat di PNM dimanfaatkan sebaiknya.

Aktiviti yang diadakan sepanjang program ini adalah Pameran Perkhidmatan PNM, Pendaftaran Keahlian PNM dan u-Pustaka, Demonstrasi Dr. Buku, aktiviti santai jawi dan aktiviti bercerita.

Antara maklum balas terpilih yang diberikan oleh pengguna adalah :

1 Membuat buku – satu aktiviti yang sangat bermanfaat. Cadangan agar memperbanyakkan buku pinjaman jawi - Phonics.
- **Noraini. Ampang**

2 Aktiviti yang dijalankan sangat bermanfaat kepada semua pengunjung yang berada di UTC. Bagus dan teruskan.
- **Fadilah. Kuala Lumpur**

3 Terima kasih kerana memperkenalkan perpustakaan komuniti kepada kami.Tanpa promosi seperti ini, kami tidak tahu pun wujudnya perpustakaan komuniti di bawah penyeliaan Perpustakaan Negara.
- **Wan Aidanuranis. Kuala Lumpur**

4 Program yang sangat bagus.Banyak informasi yang dapat diperolehi.
- **Sopiah. Selangor**

5 Sangat bagus dan perlu diteruskan.
- **Norlailawati. Shah Alam**

6 Perbanyakkan tempat perpustakaan komuniti.
- **Syarhan. Rawang, Selangor**



Permainan Puzzle jawi untuk menguji kecekapan kanak-kanak dalam menyusun perkataan jawi.



Pengunjung tidak melepaskan peluang untuk mendaftar sebagai ahli PNM.



Sesi bercerita Dorris bersama pengunjung kanak-kanak.



Demonstrasi penjilidan buku yang betul diajar kepada pengunjung.





Lawatan Penandaranan Bank Negara Malaysia

Pada 03 Ogos 2017, satu perbincangan di antara PNM dan Bank Negara Malaysia (BNM) telah diadakan di Bilik Mesyuarat, Aras 15, Menara PNM dan dipengerusikan oleh YBhg Dato' Nafisah binti Ahmad, Ketua Pengarah PNM. Perbincangan ini merupakan susulan daripada surat permohonan BNM berkenaan "Study Visit to Perpustakaan Negara Malaysia" yang memfokuskan kepada beberapa perkara iaitu koleksi bahan, teknologi/sistem perpustakaan, koleksi dalam talian (online materials) serta digitalization of materials. Selain itu, perbincangan juga berkisar kepada rangka kerja serta perkhidmatan perpustakaan yang boleh ditawarkan oleh "A Centre of Excellence" (ACE) yang akan dibangunkan di Lot 44, Jalan Dato' Onn, Kuala Lumpur.

Wakil BNM yang hadir diketuai oleh Puan Shireen Kandiah Fuad serta lima orang pegawai yang lain. Manakala PNM diwakili oleh YBhg. Ketua Pengarah PNM, Dato' Nafisah binti Ahmad dibantu oleh Pengarah Prasarana ilmu dan Maklumat (PIM) serta beberapa orang pegawai kanan PNM. Delegasi BNM telah dibawa melawat ke ruang perkhidmatan PNM sejurus tamat perbincangan diadakan.

Les' Copaque Animation Academy (LCAA) minat tubuh perpustakaan akademik

Satu perbincangan antara PNM dan Les Copaque Animation Academy (LCAA) telah diadakan pada 26 Mei 2017 di Bilik Mesyuarat Lembaga, Aras 15, Menara PNM dan telah dipengerusikan oleh Ketua Pengarah PNM, YBhg. Dato' Nafisah Ahmad. Perbincangan ini merupakan perbincangan susulan berkenaan penubuhan sebuah perpustakaan akademik bagi kegunaan para pelajar, pensyarah serta kakitangan LCAA.

Hasil daripada perbincangan ini bakal menjadi titik tolak kepada pembangunan perpustakaan terutama dalam bidang animasi di Malaysia, seterusnya menjalankan persepakatan pintar antara PNM dan LCAA dalam memartabatkan budaya membaca dan budaya cintakan ilmu kearah kecemerlangan negara.





oleh:

Beghum Ulfhat Shehnaaz Amir Razali

Pustaka: Buletin PNM Bil.2/2017 31

Persian Literature Day

Program Persian Literature Day telah diadakan pada 11 Julai 2017 (Selasa) di Perpustakaan Negara Malaysia (PNM) dengan kerjasama The Cultural Center of Islamic Republic of Iran melalui Kedutaan Iran di Malaysia.

Majlis perasmian telah disempurnakan oleh Her Excellency Marzieh Afkham, Duta Besar Iran ke Malaysia. Antara tetamu yang hadir adalah wakil dari Kedutaan Iran dan warga Iran di Malaysia, wakil kedutaan asing di Malaysia, institusi pengajian tinggi Malaysia, wakil jabatan dan agensi dari Kementerian Pelancongan dan Kebudayaan dan wakil Dewan Bahasa dan Pustaka, persatuan penulis, wakil dari Perpustakaan Awam Negeri Selangor dan Negeri Sembilan, Perpustakaan Kuala Lumpur, Pustakawan Gunasama di sekitar Lembah Klang dan kakitangan PNM.

Persian Literature Day merupakan program tahunan yang diadakan untuk memperkenalkan karya-karya agung Iran. Pada tahun ini *The Cultural Center of Islamic Republic of Iran* melalui Kedutaan Iran di Malaysia berhasrat menyambut Persian Literature Day dengan mengadakan Pelancaran Buku *The Rose Garden* yang merupakan karya agung penyair terkenal iaitu Abu-Muhammad Muslih al-Din Abdallah Shirazi atau lebih dikenali

Sa'di Shirazi. Beliau dilahirkan tahun 1210M, dan meninggal dunia pada tahun 1292. Buku *The Rose Garden* ini merupakan himpunan sajak hasil yang ditulis pada tahun 1258M dan telah diterjemahkan kepada beberapa bahasa iaitu English, Perancis, German dan Uzbek dan ini merupakan pertama kali karya ini diterjemahkan ke bahasa Melayu.

Objektif penganjuran pameran ini adalah :-

- a. Menjalinkan kerjasama dalam bidang ilmu kebudayaan dan kesusasteraan antara Malaysia dan Iran.
- b. Meningkatkan kefahaman dalam kalangan masyarakat tentang kebudayaan dan kesusasteraan Iran yang tinggi nilainya.

Di samping pelancaran buku *The Rose Garden* versi bahasa Melayu pengisian program ini ialah sumbangan buku antara lainnya adalah Kedutaan Iran, pameran buku mengenai Iran dan sastera Iran yang terdapat dalam koleksi PNM dan pihak Kedutaan Iran dan Ulasan Buku *The Rose Garden*.



Majlis Perasmian Program *Persian Literature Day*





Perkhidmatan Perpustakaan Digital

PNM tidak melepaskan peluang dalam melibatkan diri pada program promosi jabatan samada program yang dilaksanakan sendiri ataupun program jemputan daripada agensi luar. Konsep promosi yang dilaksanakan menggunakan pelbagai kaedah iaitu Secara Hands On, Taklimat, Online Kuiz dan juga promosi secara Outreach melalui pameran yang disertai. Promosi ini memfokuskan kepada penggunaan Perkhidmatan u-Pustaka yang memberikan perkhidmatan tempahan koleksi buku dari 8 perpustakaan konsortium secara dalam talian dan juga penggunaan pangkalan data komersial yang dilanggan oleh PNM. Antara program dan aktiviti promosi yang telah sedang dilaksanakan ialah

Kuiz Celik Siber (Kuiz Dalam Talian)

Aktiviti Celik Siber @ PNM ini konsep kuiz dalam talian yang dilaksanakan bagi mempromosikan penggunaan pangkalan data PNM dan pautan kepada kandungan tempatan sumber elektronik PNM yang disediakan dalam Portal u-Pustaka. Selain itu, Kuiz dalam talian ini juga turut menarik minat pengguna untuk menggunakan kemudahan

yang disediakan di Pusat Hipermédia Dewasa, Perkhidmatan Siber dan juga Samsung Smart Library. Sehingga kini Kuiz Celik Siber @ PNM telah dilaksanakan sebanyak 9 kali iaitu pada setiap bulan mengikut tema yang sesuai pada setiap bulan seperti Kuiz Celik Siber: Sukan Sea 2017 dan Kuiz Celik Siber : Kemerdekaan.

Taklimat Perpustakaan Digital – Maklumat di Hujung Jari

Taklimat Perpustakaan Digital – Maklumat di Hujung Jari ialah programanjuran Jabatan Bahagian Hal Ehwal Undang – undang Jabatan Perdana Menteri yang melibatkan Jabatan Insolvensi dan Jabatan Bantuan Guaman. Program ini diadakan pada 9 Ogos 2017 serta melibatkan peserta

Perpustakaan Digital: Maklumat Dihujung Jari

Oleh:

Tamimi bin Hj. Taib
Penolong Pengarah
Bahagian Sumber Elektronik
Perpustakaan Negara Malaysia



berjumlah 300 orang. Pada program ini, Peserta diberi pendedahan berkaitan Perkhidmatan yang disediakan melalui portal u-Pustaka iaitu perkhidmatan peminjaman buku dari 8 buah perpustakaan konsortium yang tempahan boleh dibuat secara dalam talian melalui dan peserta juga didedahkan dengan kemahiran menggunakan pangkalan data komersial yang dilanggar oleh PNM yang disediakan melalui portal u-Pustaka.

Bengkel Eksplorasi Perpustakaan Digital PNM Dengan Kerjasama Universiti Awam dan Institut Pendidikan Swasta (Program Anjuran PNM)

Bengkel Eksplorasi Perpustakaan Digital PNM dengan Kerjasama Universiti Teknologi Petronas (UTP) diadakan pada 17 Ogos 2017 yang bertujuan untuk memulakan kerjasama diantara PNM dan UTP untuk menggalakkan perkongsian maklumat digital yang disediakan oleh PNM untuk kegunaan pengguna terutamanya dalam kalangan pelajar dan pensyarah.

Selain itu, bengkel ini juga bertujuan untuk mempromosikan keahlilan u-Pustaka dan menggalakkan penggunaan pangkalan data yang sesuai dengan keperluan maklumat sasaran

pengguna. Peserta juga diberi kemahiran secara khusus melalui kaedah TOT (Training of Trainer) kepada pustakawan, pelajar dan pensyarah mengenai perkhidmatan, penggunaan pangkalan data dan proses peminjaman buku bercetak dan buku elektronik yang disediakan dalam portal u-Pustaka.

Bengkel Eksplorasi Perpustakaan Digital dengan kerjasama Universiti Teknologi Petronas telah disertai oleh 60 orang peserta yang terdiri daripada pensyarah, pelajar daripada Universiti Petronas dan juga pustakawan serta guru dari Universiti Teknologi MARA cawangan Seri Iskandar dan juga Guru Media Maktab Rendah Sains Mara (MRSM) Seri Iskandar Perak.

Bengkel Eksplorasi Perpustakaan Digital PNM yang seterusnya akan dilaksanakan di Universiti Malaysia Kelantan pada 18 September 2017 dan Universiti Malaysia Sabah, cawangan Labuan pada 28 September 2017 yang melibatkan 100 orang peserta dari setiap Universiti.





Majlis Penyerahan Surat Penyiaran Pemangkuhan Dan Pertukaran Pegawai Perkhidmatan Perpustakaan 2017

Majlis Penyerahan Surat Penyiaran Pemangkuhan Dan Pertukaran Pegawai Perkhidmatan Perpustakaan 2017 telah diadakan pada 11 Julai 2017 bertempat di Bilik Serbaguna Aras 15, Menara PNM. Majlis ini merupakan majlis bagi ungkapan penghargaan Ketua Perkhidmatan Perpustakaan Negara Malaysia (PNM) kepada pegawai-pegawai yang telah berjaya dalam urusan pemangkuhan bagi Tahun 2017.

Dalam majlis ini seramai 18 orang telah menerima surat penyerahan pemangkuhan ke pelbagai gred melibatkan Pustakawan Gred S52 (2 orang), Pustakawan Gred S48 (7 orang), Penolong Pustakawan Gred S32 (6 orang) dan Pembantu Pustakawan Gred S26 (3 orang). Pegawai yang berjaya dalam urusan pemangkuhan pada kali ini adalah seperti berikut:

BIL	MAKLUMAT PEGAWAI			MAKLUMAT PERUBAHAN	
	NAMA PEGAWAI	JAWATAN GRED	PENEMPATAN SEBELUM	BERTUKAR KE	TARIKH KUATKUASA
PEMANGKUAN KE GRED S52					
1	Puan Katrun Nada binti Hj. Hashim	Pustakawan Gred S48	Timbalan Pengarah Bahagian Gerakan Literasi Maklumat, PNM	Memangku Pustakawan Gred S52 – Timbalan Pengarah Kanan Pusat Bibliografi Negara, PNM	17.07.2017
2	Encik Edy Irwan bin Zulkafli	Pustakawan Gred S48	Mahkamah Persekutuan Malaysia, Putrajaya	Memangku Pustakawan Gred S52 – Timbalan Pengarah Kanan Bahagian Pembangunan dan Perpustakaan Desa, PNM	17.07.2017
PEMANGKUAN KE GRED S48					
3	Puan Fatimah binti Abdul Hai	Pustakawan Gred S44	Kementerian Pertanian dan Industri Asas Tani, Putrajaya	Memangku Pustakawan Gred S48 – Timbalan Pengarah Bahagian Gerakan Literasi Maklumat, PNM	17.07.2017
4	Encik Charles bin Brilee	Pustakawan Gred S44	Politeknik Kota Kinabalu, Sabah	Memangku Pustakawan Gred S48 – Timbalan Pengarah Pusat Rujukan Malaysiana dan Luar Negara, PNM	17.07.2017
5	Puan Kasuma Dewi binti Said	Pustakawan Gred S44	Politeknik Kota Bharu, Kelantan	Memangku Pustakawan Gred S48 – Timbalan Pengarah Bahagian Sumber Elektronik, PNM	17.07.2017
6	Encik Zainal bin Ahmad	Pustakawan Gred S44	Kementerian Kesihatan Malaysia, Putrajaya	Memangku Pustakawan Gred S48 – Timbalan Pengarah Bahagian Pemuliharaan, PNM	17.07.2017
7	Encik Wan Rozaini bin Wan Ibrahim	Pustakawan Gred S44	Jabatan Perdana Menteri, Putrajaya	Memangku Pustakawan Gred S48 – Timbalan Pengarah Bahagian Khidmat Nasihat dan Perundingan, PNM	17.07.2017
8	Encik Mohd Haris bin Kasim	Pustakawan Gred S44	Bahagian Kandungan Digital, PNM	Memangku Pustakawan Gred S48 – Jabatan Peguam Negara, Putrajaya	17.07.2017
9	Encik A. Azli Bin Abd. Rahim	Pustakawan Gred S44	Parlimen Malaysia	Memangku Gred S48 - Kementerian Perdagangan Antarabangsa Dan Industri	17.07.2017
PEMANGKUAN KE GRED S32					
10	Puan Adelen binti Sualin	Penolong Pustakawan Gred S29	Pusat Rujukan Malaysiana dan Luar Negara, PNM	Memangku Penolong Pustakawan Gred S32 – Pusat Bibliografi Negara, PNM	17.07.2017
11	Encik Abdul Rahman bin Abdul Rahim	Penolong Pustakawan Gred S29	Bahagian Sumber Elektronik, PNM	Memangku Penolong Pustakawan Gred S32 – Bahagian Pembangunan Modal Insan, PNM	17.07.2017
12	Puan Ramaperbah A/P Chandran	Penolong Pustakawan Gred S29	Bahagian Khidmat Nasihat dan Perundingan, PNM	Memangku Penolong Pustakawan Gred S32 – Bahagian Pembangunan dan Perpustakaan Desa, PNM	17.07.2017
13	Encik Zainorkamarul Basahidin bin Saari	Penolong Pustakawan Gred S29	Jabatan Keselamatan dan Kesihatan Pekerjaan Malaysia, Putrajaya	Memangku Penolong Pustakawan Gred S32 – Bahagian Pembangunan Modal Insan, PNM	17.07.2017

BIL	MAKLUMAT PEGAWAI			MAKLUMAT PERUBAHAN	
	NAMA PEGAWAI	JAWATAN GRED	PENEMPATAN SEBELUM	BERTUKAR KE	TARIKH KUATKUASA
14	Encik Anisanmudin bin Nawi	Penolong Pustakawan Gred S29	Institut Aminuddin Baki, Negeri Sembilan	Memangku Penolong Pustakawan Gred S32 – Bahagian Gerakan Literasi Maklumat, PNM	17.07.2017
15	Puan Jamaliah Binti Bujang	Penolong Pustakawan Gred S29	Kem. Pendidikan Tinggi, Putrajaya	Memangku Gred S32 – Bahagian Perancangan dan Penyelidikan Pendidikan, Kementerian Pendidikan Malaysia	17.07.2017
PEMANGKUAN KE GRED S26					
16	Puan Wan Salbiah binti Mohd Khalil	Pembantu Pustakawan Gred S22	Pusat Penyerahan Terbitan Negara, PNM	Memangku Pembantu Pustakawan Gred S26 – Bahagian Pembinaan Koleksi, PNM	17.07.2017
17	Puan Maznah binti Marjunid @ Ismail	Pembantu Pustakawan Gred S22	Bahagian Pembangunan Modal Insan, PNM	Memangku Pembantu Pustakawan Gred S26 – Pusat Penyerahan Terbitan Negara, PNM	17.07.2017
18	Puan Rohana binti Ahmad	Pembantu Pustakawan Gred S22	Jabatan Pendaftaran Negara, Putrajaya	Memangku Pembantu Pustakawan Gred S26 – Bahagian Pemuliharaan, PNM	17.07.2017

Dalam majlis tersebut, YBhg, Dato' Nafisah Ahmad, Ketua Pengarah Perpustakaan Negara Malaysia menyampaikan ucapan penghargaan dan tahniah pegawai-pegawai yang terlibat di mana peluang pemangkuhan ini mencerminkan sumbangan dan komitmen yang diberikan oleh pegawai yang terlibat dalam menjalankan kerja dan tugas di Jabatan ini dan di Jabatan Kader yang ditempatkan.

Dalam majlis ini juga, (5) orang Pustakawan Gred S48 telah menerima surat arahan pertukaran. Pertukaran ini dibuat adalah berdasarkan kepada kesesuaian penempatan pegawai serta membantu memperkaya dan memperluaskan tugas pegawai untuk menambah serta mempelbagaikan pengalaman, pendedahan serta untuk menempatkan pegawai bersesuaian dengan kompetensi pegawai tersebut.

BIL	MAKLUMAT PEGAWAI			MAKLUMAT PERUBAHAN	
	NAMA PEGAWAI	JAWATAN GRED	PENEMPATAN SEBELUM	BERTUKAR KE	TARIKH KUATKUASA
BERTUKAR BAHAGIAN					
1	Encik Ramzy bin Md Taha	Timbalan Pengarah Gred S48	Bahagian Penyelidikan, PNM	Pengarah - Bahagian Pembangunan Modal Insan, PNM	17.07.2017
2	Puan Aidatul Hasnida binti Abdul Rani	Timbalan Pengarah Gred S48	Bahagian Sumber Elektronik, PNM	Timbalan Pengarah - Bahagian Pengurusan Projek Digital, PNM	17.07.2017
3	Puan Suhaila binti Abd Rahman	Timbalan Pengarah Gred S48	Pusat Rujukan Malaysiana dan Luar Negara, PNM	Timbalan Pengarah - Bahagian Pembinaan Koleksi, PNM	17.07.2017
BERTUKAR KELUAR					
4	Encik Razman bin Abd Rani	Timbalan Pengarah Gred S48	Bahagian Pengurusan Projek Digital, PNM	Pustakawan Gred S48 -Jabatan Kerja Raya, Kuala Lumpur	17.07.2017
BERTUKAR MASUK					
5	Puan Ruzilah binti Ehsan	Timbalan Pengarah Gred S48	Jabatan Peguam Negara, Putrajaya	Timbalan Pengarah - Bahagian Penyelidikan, PNM	17.07.2017

Jabatan mengucapkan tahniah kepada pegawai yang telah diberi pemangkuhan di atas kenaikan pangkat masing-masing. Semoga dengan kenaikan pangkat ini akan menyuntik semangat baru dalam membuat lonjakan berganda kepada perkhidmatan PNM secara

keseluruhan dalam membina bangsa Malaysia yang membudayakan amalan membaca dalam kehidupan sehari-hari mereka agar menjadi sebuah negara bangsa yang maju dan berilmu.

Sekalung Penghargaan

"Jasamu dikenang, setulus ingatan kekal abadi".
Terima kasih atas sumbangan yang telah dicurahkan
di PNM selama tempoh berkhidmat.

Bulan Mei
Sehingga
Ogos 2017



Encik Ishak bin Awang
Penolong Pustakawan Kanan
13.04.1976 - 18.05.2017
(41 tahun 1 bulan)



Encik Kamarudin bin Mat Nata
Pengarah Perpustakaan Cawangan dan Komuniti
31.01.1986 - 31.08.2017
(32 tahun 8 bulan)



Puan Toon Hoon Chin
Penolong Pustakawan Tinggi
03.01.1978 - 15.05.2017
(38 tahun 6 bulan)



Puan Meriyam bt Abdul Aziz
Penolong Pustakawan Kanan
21.06.1976 - 05.06.2017
(40 tahun 11 bulan)



Puan Quah Chun Hong
Penolong Pustakawan
18.06.1984 - 15.05.2017
(32 tahun 11 bulan)

“
Amat ketara pucuk siantan,
Rasa segar tepian titi.
Selamat bersara ufuk ingatan,
Mekar jasa di taman bakti.””

“
Tenang-tenang air di laut,
Sampan kolek mudik ke tanjung.
Hati terkenang mulut tersebut,
Budi yang baik rasa nak sanjung.””



Sistem Depositori Kebangsaan


Platform Digital Sehenti

Sistem Depositori Kebangsaan merupakan satu sistem yang dibangunkan dengan kerjasama antara Perpustakaan Negara Malaysia (PNM) dan Perbadanan Kota Buku (PKB). Sistem ini menyediakan perkhidmatan kepada penerbit untuk memudahkan serahan bahan digital secara dalam talian seperti yang di syaratkan di bawah Akta Penyerahan Bahan Perpustakaan, 1986 (Akta 331).

Sistem ini dilengkapi dengan khidmat pengurusan hak cipta digital (*Digital Rights Management*) melalui enkripsi 256 bit AES (Advance Encryption Standard) untuk keselamatan dan perlindungan bahan-bahan khususnya pemeliharaan dan penyalahgunaan paten, penyalinan dan hakcipta. Sistem ini diperkenalkan bagi meningkatkan

kecekapan perkhidmatan kepada penerbit yang meliputi modul Pendaftaran Penerbit, Permohonan International Standard Book Number (ISBN), International Standard Serial Number (ISSN) dan Pengkatalogan Dalam Penerbitan (PDP). Platform digital sehenti yang diperkenalkan memberi pengalaman baharu dalam pengurusan dokumen digital. Dengan mengakses depositori ini, penerbit dan penulis boleh menghantar salinan digital melalui cara yang terjamin.

Taklimat berkaitan Sistem Depositori Kebangsaan kepada penerbit telah diadakan pada 2 dan 3 Mei 2017 sempena Pesta Buku Antarabangsa Kuala Lumpur 2017. Seramai 49 penerbit telah menghadiri taklimat ini.



oleh:

Muhammad Redzuan bin Ramli

Pustaka: Buletin PNM Bil.2/2017 39

Score A Programme

Pangkalan data Score A Programme ialah pangkalan data Interaktif yang membolehkan pembelajaran dilaksanakan secara dalam talian.

Pangkalan data ini menyediakan nota lengkap berdasarkan sukatan mata pelajaran terkini bagi UPSR, PT3, SPM dan juga STPM.

Ciri – ciri menarik yang disediakan dalam pangkalan data Score A Programme ini ialah aplikasi Score A i-Teacher yang membolehkan pengguna berkomunikasi dengan guru secara virtual berkaitan matapelajaran yang diperlajari, mendapatkan nota lengkap setiap matapelajaran mengikut sukatan pelajaran terkini, rujukan kepada bank soalan bagi peperiksaan percubaan dan juga peperiksaan sebenar bagi UPSR, PT3, SPM dan STPM.

Selain nota dan rujukan, Score A Programme juga menyediakan aplikasi yang dinamakan Examination Hall yang membolehkan peperiksaan secara maya berkonsepkan peperiksaan sebenar dapat dilaksanakan dalam pangkalan data Score A Programme. Aplikasi ini disediakan untuk menguji daya kefahaman pelajar dan juga memberi persediaan kepada pelajar dalam menghadapi peperiksaan yang sebenar.

Promosi Pangkalan Data Score A ini telah dilaksanakan di dalam setiap sesi taklimat, Bengkel Eksplorasi Perpustakaan Digital dan juga program Outreach yang disertai oleh PNM sepanjang tahun 2017. Pangkalan data ini boleh diakses di seluruh Malaysia melalui portal u-Pustaka.





PERPUSTAKAAN NEGARA MALAYSIA

232 JALAN TUN RAZAK, 50572, KUALA LUMPUR

T. 603 2687 1700 | F. 603 2694 2490

www.pnm.gov.my

www.u-pustaka.gov.my

